

3. Te Kāuta

Ngā Kiripuaki



WHITIAO



TAMA



KIRIHAETHAE



JOY

Kāpeka: Kua haere a Joy, a Kirihaehae rātou ko Tama ki te wharekai ki te kai parakuihi. Kei reira a Whitiao e tunu kai ana. He toa a Whitiao ki te manaaki i te iwi. Ko Whitiao te tino whaea o te kāuta. Ka kuhu tuatahi a Kirihaehae rāua ko Tama i te wharekai. Ko Joy kei te pupuru i te pēpē. Ka oma atu a Kirihaehae ki te mihi ki a Whitiao.

KIRIHAETHAE: Mōrena aunty Whitiao! He reka te rongu o te kai i te ata nei!

WHITIAO: Mōrena taku kōtiro. E pēwhea ana koe i tēnei ata?

KIRIHAETHAE: He aha te parakuihi i te ata nei Aunty Whitiao?

WHITIAO: He pāreti, he huka parauri, he miraka kau me te tohi. Anei te pata me te tiamu mō te tohi. Anei hoki te wītipiki ki te kore koe e pīrangī ki te pāreti.

KIRIHAETHAE: Oh yummy Aunty Whitiao. Ko te pāreti taku favourite.

Ka noho a Kirihaehae ki te kai. Ko māmā i te whāngai pāreti ki a baby Bella. E rua tau tōna pakeke. Koia te pōtiki. Ko Annie te mātāmua, tekau mā ono tōna pakeke.

KIRIHAETHAE: Kei whea a Annie, māmā?

JOY: Kua kai kē a Annie, kei muri ia e horoi utauta ana.

TAMA: Kei whea a Johnny?

JOY: Kua haere a Johnny rāua ko tō pāpā ki te tākuta. I te kino te rewharewha o Johnny inapō. Kua kino kē ake tōna mate huangō. Whitiao, kua kite rānei koe i a Hine i te ata nei?

WHITIAO: Āe rā e hoa, kua kai kē rāua ko Bee, ā, kua hīkoi kē ki te kura.

JOY: Ā, ka pai. Ko Hine pea te mea ka haere ki te whare wānanga. He tino pai ki a ia te kura.

KIRIHAETHAE: Hmph! He nerd a Hine. E kore rawa ia e whiwhi tāne!

JOY: Turituri tō waha kōtiro! Kaua koe e kōrero kino mō tō tuakana. Ko te mātauranga te huarahi e puta ai tātou i te pōharatanga e noho nei tātou.

KIRIHAETHAE: Āe māmā.

Ka tuohu te mātenga o Kiri i te whakamā, ka kai i tana pāreti.